



Sarajevo, 14.01.2020.godine

GRADSKO VIJEĆE GRADA SARAJEVA
PREDSJEDAVALJUĆI GRADSKOG VIJEĆA
Komisija za izbor i imenovanja

Predmet: Prijedlog za dodjelu priznanja „Počasni građanin Grada Sarajeva”

Poštovani,

U skladu sa odredbom člana 12. Odluke o priznanjima i nagradi Grada Sarajeva („Službene novine Kantona Sarajevo”, broj 34/10, 14/14 i 31/14) kojom je, između ostalog, propisano da prijedlog za dodjelu priznanja mogu podnijeti vijećnici Gradskog vijeća Grada Sarajeva, podnosimo

PRIJEDLOG

da se dodjeli priznanje „Počasni građanin Grada Sarajeva”

Branku Crvenkovskom

OBRAZLOŽENJE

Branko Crvenkovski je rođen 12. oktobra 1962. godine u Sarajevu, Bosna i Hercegovina. Porodica seli u Skoplje 1965. godine, gdje završava osnovnu i srednju matematičku Gimnaziju kao prvijenac generacije.

1980. godine upisuje Elektrotehnički fakultet u Skoplju, Odjel za informatičku tehnologiju i informatiku, koji završava 1985. godine sa najvišim uspjehom. Oženjen je i otac dvoje djece.

Na prvom Kongresu reformirane političke stranke Socijaldemokratskog Saveza Makedonije (SDSM) 1991. godine, Branko Crvenkovski je izabran za predsjednika stranke na kojoj će funkciji ostati sve do maja 2004. godine kada će biti izabran



Predsjednika Republike Makedonije. Sa 29. godina bio je najmlađi premijer u Evropi kada je septembra 1992. godine izabran za predsjednika Vlade Republike Makedonije.

Bio je prvi makedonski političar koji je promovisao ideju o multietničkoj koaliciji sa najvećom partijom etničkih Albanaca, građana Republike Makedonije saglasno izbornim rezultatima.

U periodu od 1992. godine zbog ratnih sukoba, Republika Makedonija je ponudila prihvata i zaštitu izbjeglica sa područja Bosne i Hercegovine, u granicama svoje mogućnosti. Oko 35.000 izbjeglica iz Bosne i Hercegovine su bili raspoređeni u sedam kolektivnih centara na teritoriji države, a dio njih je bio smješten kod makedonskih porodica. Republika Makedonija je određenom broju izbjeglica pružila zaštitu sve do 1997. godine kada je nakon stvaranja uslova za povratak u BiH, bio omogućen njihov siguran i organizovan povratak.

1994. godine Branko Crvenkovski je ponovo izabran za premijera Republike Makedonije i tu će funkciju obavljati sve do 1998. godine. U tom periodu je Republika Makedonija je uspjela sačuvati mir, međuetničku toleranciju i suživot i uspjela je postaviti temelje jednog građanskog društva, uspjela postati članicom UN-a, OSCE-a kao i Evropskog savjeta.

Tokom svog predsjedničkog mandata od 2004. do 2009. godine, Crvenkovski se posvetio očuvanju stabilnosti države, jačajući njene pozicije na međunarodnom planu i napretku u procesu Euro-atlanskih integracija.

U toku obavljanja dužnosti premijera i predsjednika, Crvenkovski je posebnu pažnju posvećivao jačanju prijateljstva i svestrane saradnje sa Bosnom i Hercegovinom, pa je u tim ulogama više puta bio u oficijelnim posjetama Sarajevu, a također je više puta bio i domaćin predsjednicima Vijeća ministara i članovima Predsjedništva Bosne i Hercegovine u Skoplju. Tokom svih ovih susreta građeno je međusobno prijateljstvo i potpisano niz bilateralnih dogovora i sporazuma kojima je stvaran pravni okvir za međusobnu saradnju na svim poljima.

Kao rezultat međusobnog povjerenja i uvažavanja, vojnici makedonske Armije su učestvovali u mirovnoj misiji ALTEA.

Branko Crvenkovski je 2007. godine dobitnik nagrade za napredak u evropskim integracijama za 2006. godinu od strane Bosne i Hercegovine, izdanje Večernjeg lista.

U junu 2013. godine, donosi odluku da se povuče sa leaderske pozicije u SDSM-u i javnog političkog života, ali sve do današnjeg dana održava prijateljske veze sa Bosnom i Hercegovinom, posjetama i učešćima na raznim forumima i konferencijama u Sarajevu i drugim gradovima širom Bosne i Hercegovine.

Zbog svega što je učinio na jačanju i razvoju međusobnih i prijateljskih odnosa između Makedonije i Bosne i Hercegovine, čast nam je i zadovoljstvo predložiti Branka Crvenkovskog za dodjelu priznanja „Počasni građanin Grada Sarajeva”, a što je s oduševljenem Branko Crvenkovski i prihvatio.

S poštovanjem,

GRADSKI VIJEĆNICI:

Dr. Igor Gavrić, s.r.

Nuko Grebović, s.r.

Miro Lazović, s.r.

Edina Gabela, s.r.